



10.02.2026

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

1. Partiit aningaasanut inatsimmut 2026-imut isumaqatigiissutaanni 4.4.1-mi allassimavoq:

“Naalakkerisuisut ilisimavaat ilaqutariinni sinaakkutit nikittorsarnissaannut aamma

Kalalliit Nunaanni ilaqutariit meerartalinnut atugarisaasut pilerinartut

qulakkeerneqarnissaannut pisariaqartitsineq, kiisalu ataatsimut isigalugu

aaqqissuusseqqinneq siunertaralugu ernereermermi sulinngiffeqartarneq pillugu inatsit

atuuttoq misissussallugu suliniuteqarneq aallartereerlugu. Pitsanngorsaanissamut,

kiisalu siunissami inatsimmik allannguinnissamut tunngavimmik pilersitsinissamut

inatsisitigut aamma aningaasaqarnikkut periarfissat misissuinerup ersersissavai.

Naalakkersuisut taamaattumik siunertarat aaqqiissutinik eqaannerusumik aamma

ullutsinnut tulluarnerusunik, meeqqap naalugiarsuunerani angajoqqaat

isumassuinissaannut periarsissaanik tapersiisunik peqarnissaq.”

Suli naatsorsuutigissavarput aningaasanut inatsisissamut 2027-imoortumut tunngatillugu

Naalakkersuisut siunnersuummik suliaqassasut?

A. Taamaappat suliaqarnissamut partiit aggersarneqassappat?

B. Taamaanngippat qaqagu siunnersuummik suliaqqaarnermut aningaasaqarnikkut kingunerisassat naammassineqassappat?

2. Naalakkersuisut isumaqarpat isumaqatigiissutit aqutigalugit meerarisap ullormi ataatsimi napparsimanerani angerlasimasinnaatitaanermut tunngasortaa ullutsinnut tulluartsuusoq?

A. Itilisiisumik politikkikkut iliuuserineqarsinnaasut nassuiaqquneqarput.

INUIT ATAQATIGIIT INATSIARTUNI



3. Meeqqap napparsimanerani angerlarsimasinnaatitaaneq ulloq ataasiusoq ullormik ataatsimik ilaneqarpat aningaasatigut kingunissaa naatsorsorneqarsimava?

A. Taamaappat nassuiaqquneqarpoq.

B. Taamaangippat aningaasatigut kingunissaata naatsorsorneqarnissaannut Naalakkersuisut suliaqassappat?

4. Naalakkersuisut nunatsinni sulisartut aamma sulisitsiut kattuffii ilaqtariit sulinerikkut atugassarititaat pillugit aaqqissuusseqqinnissamik siunertaqarlutik oqaloqatigisimavaat?

A. Taamaappat oqaloqatigiinneq siunnerfeqaqatigiiffiua?

B. Taamaangippat Naalakkersuisut pilersaaruteqarpat sulisartut sulisitsillu kattuffii siunnerfeqaqatigalugit ilaqtariinnut iluaqutsiisussamik isumaqatigiissusiorsinnaappat?

(Inatsisartunut Ilaasortaq Paarma Lund Kreutzmann, Inuit Ataqatigiit)

Tunngavilersuut:

Meeqqap toqqissisimalluni peroriartornissaa sunik tamanit pingaarnarpaavoq. Maanna nunatsinni inuuniarneq akikinngilaq. Meerartallit sulisitsisup akilingaannik ullormik ataatsiminik napparsimasoorlutillutik angerlarsimatitsisinnaapput.

Nunatsinni meeqarluni inuuneq kajunginnarnerulersikkumallugu iliuutsit ersarinnerusariaqarput, isumaqarpungalu iliuuseqarineqarsinnaasut ilagigaat meeqqap sulisitsisup akiligaanik ulloq ataaseq napparsimallun angerlarsimaqatigisinnaanera ullunik amerlanernik ilaneqarsinnaasoq.

Ullut suliffiusut qulit qaangiutsinnagit akissutisinissara qilanaaraara.